



## CONGREGATIO PRO DOCTRINA FIDEI

Prot. N. 37/2012

*Novarcensis*  
(Newark, U.S.A.)

D.nus **Carmen SITA**, presbyter huius arcidioecesis, humiliter petit  
dispensationem ab omnibus oneribus sacrae Ordinationi conexis

**Summus Pontifex Benedictus, Papa XVI**

Die 24 m. Septembris a. 2012

habita relatione de casu a Congregatione pro Doctrina Fidei,  
precibus praedicti sacerdotis annuit iuxta sequentes rationes:

1. Dispensationis Rescriptum a competenti Ordinario oratori quamprimum notificandum est:

- a) Eius effectum sortitur a momento notificationis;
- b) Rescriptum amplectitur inseparabiliter dispensationem a sacro coelibatu et simul amissionem status clericalis. Nunquam oratori fas est duo illa elementa seiungere, seu prius accipere et alterum recusare;
- c) Si vero orator est religiosus, Rescriptum concedit etiam dispensationem a votis;
- d) Idemque insuper secumfert, quatenus opus sit, absolutionem a censuris.

2. Notificatio dispensationis fieri potest vel personaliter ab ipso Ordinario eiusve delegato aut per ecclesiasticum actuarium vel per "epistulas praescriptas" (*registered*). Ordinarius unum exemplar restituere debet rite ab oratore subsignatum ad fidem receptionis Rescripti dispensationis ac simul acceptationis eiusdem praceptorum.

3. Notitia concessae dispensationis adnotetur in Libris baptizatorum paroeciae oratoris.

4. Quod attinet, si casus ferat, ad celebrationem canonici matrimonii, applicandae sunt normae quae in Codice Iuris Canonici statuuntur. Ordinarius vero curet ut res caute peragantur sine exteriore apparatu.

5. Auctoritas ecclesiastica, cui spectat Rescriptum oratori rite notificare, hunc enixe hortetur, ut vitam Populi Dei, ratione congruendi cum nova eius vivendi condicione, participet, aedificationem praestet et ita probum Ecclesiae filium se exhibeat. Simul autem eidem notum faciat ea quae sequuntur:

- a) Sacerdos dispensatus eo ipso amittit iura statui clericali propria, dignitates et officia ecclesiastica; ceteris obligationibus cum statu clericali conexis non amplius adstringitur;
- b) exclusus manet ab exercitio sacri ministerii, iis exceptis de quibus in can. 976 et 986 § 2 CJC ac propterea nequit homiliam habere, nec potest officium gerere directivum in ambitu pastorali neve munere administratoris paroecialis fungi;
- c) item nullum munus absolvere potest in Seminariis et in Institutis aequiparatis. In aliis Institutis studiorum gradus superioris, quae quocumque modo dependent ab Auctoritate ecclesiastica, munere directivo fungi nequit;
- d) in aliis vero Institutis studiorum gradus superioris ab Auctoritate ecclesiastica non dependentibus nullam theologicam disciplinam tradere potest;
- e) in Institutis autem studiorum gradus inferioris dependentibus ab Auctoritate ecclesiastica, munere directivo vel officio docendi fungi nequit. Eadem lege tenetur presbyter dimissus ac dispensatus in tradendo Religione in Institutis eiusdem generis non dependentibus ab Auctoritate ecclesiastica.

6. Ordinarius curet, quantum fieri potest, ne nova condicio presbyteri dispensati fidelibus scandalum praebeat.

7. Tempore autem opportuno, Ordinarius competens breviter ad Congregationem de peracta notificatione referat, et si qua tandem fidelium admiratio adsit, prudenti explicatione provideat.

Contrariis quibuscumque minime obstantibus.

Ex Aedibus Congregationis, die 24 m. Septembris a. 2012

+ Gerard L. Müller

✠ Gerardus Ludovicus MÜLLER  
Praefectus

+ Aloisius Franciscus LADARIA, S.J.

Archiep. titularis Thibicen.  
a Secretis

Dies notificationis 12/5/12

J. M. H. Z.

Subsignatio Presbyteri in signum  
acceptionis

John J. Hogan

Subsignatio Ordinarii